

ՈՒՇԻՒ Ս. ՍԱՐԳԻՍ ՎԱՆՔԻ ՎԻՄԱԳՐԱԿԱՆ ԱՐՁԱՆԱԳՐՈՒԹՅՈՒՆՆԵՐԸ

Ռ. Ռ. ԳԱՍՊԱՐՅԱՆ

Ուշիի ս. Սարգիս վանքը միջնադարյան Հայաստանի Արագածոտն գավառի հոգևոր նշանավոր կենտրոններից է։ Այն գտնվում է Արագած լեռան հարավ-արևելյան ստորոտին, չեղատեսիլ վայրում, Աշտարակի շրջանի համանուն գյուղից 1,5 կմ արևմուտք։ Վանապան համալիրը կառուցված է կիկլոպյան աճրոցի հարևանությամբ՝ բլրի հարավային լանջին¹։ Այն բաղկացած է երկու եկեղեցուց, գավթից ու բնակելի տների մնացորդներից, որոնք շրջակայն շինություններ, որը միանավ, թաղածածկ, երկթեք տանիքով, փոքր չափերի եփեղեցի է, կառուցված է համալիրի հյուսիսային մասում։ Եկեղեցու սրբատաշ պատերը բարձրանում են կրաշաղախ, կուլտատաշ քարերով հիմքի վրա։ Ավագ խորանի կամարակապ փոքր դուռը բացվում է դեպի հյուսիսային կողմի ավանդատունը, որը ներկայումս ամբողջովին խոնարհված է։ Տեղում պահպանված ծածկի երկու կիսակլոր և շեղանկյուն քարերը ենթադրել են տալիս, որ ավանդատունը ունեցել է հովհարաձև ծածկ։ Քանդակազարդ որմնասյուների ու քիվերի քարերը վկայում են տաճարի բարձրարվեստ զեղադիտական հարդարման մասին։ Եկեղեցու մուտքը արևմտյան կողմից է։ Շինության երեք կողմերը վատ են պահպանվել։ Արևմտյան ճակատին ընդգծված երևում են վերանորոգման հետքեր։ Մուտքի միակտուր բարավորին փորագրված է միաբանության առաջնորդ Հովհաննեսի վիճադիրը, որ գրեթե ամբողջովին հողմահարված է։

Համալիրի մյուս շինությունը հարավային կողմից կից է նախորդին։ Ինչպես վկայում է Հովհ. Շահաթունյանցը, վանքի այս կառույցը չիջին մեծությամբ, անսյուն կենտրոնադարձ եկեղեցի է եղել, որն ավերվել է 1327 թ. երկրաշարժից. «Միջին տաճարն միջակ մեծությամբ, առանց սեան ունէր կաթողիկէ վայելաձև, այլ յամին 1827, անկաւ կործանվեցաւ յերկրաշարժութենէ, նոյնպէս և տանիքն հանդերձ արևմտեան որմովն բոլորովին և աւանդեն ականատեսքն թէ գերեզման սուրբ Սարգսի էր յայսմիկ՝ տաճարի և այժմ ծածկեալ ընդ փլածովքն»²։ Ներկայումս այն ամբողջովին ավերված է։ Նկատելի են արևելյան որմի լիցքը՝ մոտ 2 մ բարձրությամբ, ավագ խորանի կիսաշրջանաձև շարվածքը։ Շինությունից պահպանվել են նաև առանձին մանրամասներ՝ մեծածավալ թմբուկի մի մասը, քանդակազարդ քիվի մնացորդները, պաշտօնաբեր մոտիվներով հարդարված բաղնիքի մեկուկեսը³։

1 Ամբողջը դրաղեցնում է բլրի ողջ գագաթը։ Այն ընդգրկում է մոտ 5 հա տարածք։ Պարիսպների բարձրությունը տեղ-տեղ գերազանցում է 3—5 մ-ը։ Ամբոցի տարածքում պահպանվել են բնակելի կառույցների ավերակները։

2 Ստորագրություն կաթողիկէ էջմիածնի և հինգ գաւառացն Արարատայ, աշխատասիրութեամբ Յովհաննու Եպիսկոպոսի Շահաթունեանցի (այսուհետև՝ Հովհ. Շահաթունյան), Գ. Բ, էջմիածին, 1842, էջ 118։

3 1827 թ. երկրաշարժից հետո այս շինության զգալի մասը պահպանված է եղել. «Կամարայարկն միակ սեղանոյ այսր տաճարի հանդերձ արևելեան որմովն գտանի ի կանգուն» (նույն տեղում)։

4 Նույն տեղում, էջ 118։

Կաթողիկեի մուտքը, ըստ Շահխաթունյանցի, հարավային կողմից էր և ճակատակալ քարին եղել է 1329 թ. արձանագրություն⁶:

Դավիթը կաթողիկե եկեղեցու հարավային կողմում է, նրա ներքին տա-
րածությունը լուծված է խաչաձև կամարների միջոցով: Այս տիպը խիստ
բնորոշ է XIII—XIV դդ. ճարտարապետական մի շարք կառույցների (Հաղ-
պատի սեղանատուն, Հազարժին, Խորակերտ, Նեղուց, Խորանաշատ)⁷: Մուտ-
քի և ճակատի բարավորին փորագրված է կաթողիկե եկեղեցու նորոգման ար-
ձանագրությունը, որի հյուսիսային կողմում պահպանվել են միակտուր քա-
րերից երկու գեղաքանդակ խաչքարեր⁸ բնորոշ XIII—XIV դդ.: Ներքուստ
զավթի արևելյան կամարած լուծվածքի հյուսիսային կողմում պահպանվել
են երկու արձանագիր խաչեր՝ հենված արևելյան որմին: Վիմագրեր պահ-
պանվել են դավթի ալևալ հատվածներում:

Ինչպես նշելիք, հուշարձանախումբը շրջապատված է պարսպով, որն
ունի կիսաբլուր աշտարակներ: Այն կառուցված է կոպտատաշ քարերով:
Հայնությունը 3,5 մ է, իսկ բարձրությունը տեղ-տեղ հասնում է 5 մ-ի:
Պատմիչ Առաքել Դավթիժեցու վկայությամբ, պարսպը 1654 թ. կառուցել է
միաբանության առաջնորդ Ոսկան վարդապետ Նրևանցին. «Իսկ Ոսկան վար-
դապետս թէպէտ ոչ կարաց նորոգել դտանիքն եկեղեցեացն, զի ոչ ունէր այն-
քան դոյս, այլ մեծաւ տաժանմամբ և բազում աշխատութեամբ պեղեաց
զշորս կողմն եկեղեցւոյն, և պատեաց շուրջանակի պարսպ յոյժ ամուր, և ը
մէջ պարսպն շինեաց ըստ պատշաճին տնէր»⁹: Պարսպի հարավային երկու
կիսաբլուր աշտարակների միջև պահպանվել են քառանկյուն հիմքով իրա-
ւից հեռու երկու կառույցներ, որտեղ ակներևաբար եղել է պարսպի մուտքը,
որն այսօր խոնարհված է:

Վանքի գլխավոր կառույցներից հարավ առկա են միաբանության բազ-
մաթիվ շինությունների ավերակներ, որոնք շարված են բազալտե ձեղքված
քարերով և հողի շաղախով: Գերեզմանոցը տարածվում է համակառույցի
հյուսիսային բլրալանջի թեքության վրա: Այստեղ կան բազմաթիվ հարձ և
երկանջ տապանաքարեր և խաչքարերի սրբատաշ պատվանդաններ: Խաչ-
քարերը շին պահպանվել, սակայն, դատելով տապանաքարերի և խաչքարե-
րի բեկորների հորինվածքներից, դրանք հավանաբար համաժամանակյա են
վանական գլխավոր կառույցներին:

Ուշիկի մասին հնագույն վկայությունը վերաբերում է V դ.: «Հայսմա-
վուրքում» պահպանված ավանդության համաձայն, Մեսրոպ Մաշտոցը Պարս-
կաստանից Հայաստան է բերում ս. Սարգիս զորավարի նշխարները և թա-
ղում Ուշիկում, ապա դամբանի վրա կառուցում է համանուն վանքը. «Եկեալ
անդր մեծ վարդապետն հայոց սուրբն Մեսրոպ. եբարձ զմարմին սրբոյն
Սարգսի և տարաւ ի Կարբի. և եղ պատուով ի Յուշի. և արար զտեղին վանք
հուշակաւոր որ է մինչև ցայսօր»¹⁰: Այսպիսով, սրբատեղը եղել է Կարբիի
մերձակա հոգևոր վայրերից մեկը:

XIII դ. սկզբին Զաքարյան իշխանները հայ-վրացական միացյալ ուժե-
րի զինակցությամբ սելջուկներից ազատագրում են ամբողջ Արագածոտնը՝
Ամբերգով: Այդ առիթով Զաքարե Ամիրսպասալարը 1200 թ. խաչքար է
կանգնեցնում. «Ի Ուշիկ (1200—Ռ. Գ.) թուականութիւնս ես Զաքարէ Ամիր-
սպասալար չալոյց և վրաց, որդի մեծին Սարգսի, առիթ զանառիկ ամբոցս զԱն-
բերդոյ յախնայծին որդոյն Հաքարու...»¹¹: Զաքարյանները նոր ազատագրված
Ամբերգը և ամբողջ Արագածոտնը, ինչպես վկայում է Զաքարիա Սարկա-
վադը, տալիս են իրենց հավատարիմ իշխաններից մեկին՝ Վաչուտյան Վա-

⁶ Նույն տեղում:

⁷ С. Х. Мнацаканян, Архитектура армянских притворов, Ереван, 1952, с. 59.

⁸ Պատմութիւն Առաքելի վարդապետի Դավթիժեցւոյ, Վաղարշապատ, 1896, էջ 351:

⁹ Յայսմաւուրք, Կոստանդնուպօլիս, 1706, էջ 490:

¹⁰ Տե՛ս Ե. Տե՛ր-Միշասյան, Ամբերգաձորի հնությունները և արձանագրությունները
(էջմիածին, 1981, Ե, էջ 45—54):

չեին. «Այս Սարգիս տեւեաց մինչև ցվերջին Զաքարիա և ծնաւ նա որդի մի և անուանեցաւ Վաչէ, որ սիրեցաւ ի Կաթարէն, և եղև հաւատարիմ տան նորա. եւ վասն միամիտ ծառայութեան իւրոյ կարգեաց զնա իշխանաց իշխան և ետ նմա մեծութիւն և իշխանութիւն ամենայն Արագածոտնն Շիրակայ, Նիգայ, Անդրղոյ և ամենայն եզերաց՝ մինչև ցծրասխաձոր»⁹: Զաքարյանները այնուհետև կառուցում են դպրութեան կենտրոններ. «Եւ զոր երկիր և էառ շինեաց անդ եկեղեցի, մանաւանդ յեզերեն Արագածու, նախ զՅօհաննու վանք, զՀառիճու վանք, զՏեղերու վանք, զՅուշույ վանք, զՍաղմոսավանք»¹⁰: Զաքարիա Քանաքեռցու վկայութիւնները ունեն աղբյուրագիտական հավաստիութիւն, սակայն զուրկ են ականատեսի դիտողական մասնամասններից:

Հաջորդ տեղեկութիւնը վերաբերում է ԺԴ դարին: 1310 թ. Սարկավագ գրիչի կողմից Հովհաննավանքում ընդօրինակված Ավետարանում վկայված է Ուշիի վանքի առաջնորդ. «զվարդապետ Պետրոս Ուշոյ վանացն, որ առաջնորդ և կատարումն եղև. բանիս... գրեցաւ սուրբ Աւետարանս հրամանաւ և արդ(ե)ամբք ամենաւրհնեալ Մամախաթունին և ընծայեցաւ Ուշոյ սուրբ զաւրավարին Սարգսի, մի ոք իշխեսցէ հանել և հռացուցանել ի վկայարանէ սուրբ զաւրավարին...»¹¹: Մի այլ ձեռագիր հիշատակարանում՝ ընդօրինակված 1443 թ. Ուշիի վանքում, Կարապետ արեղայի կողմից, վկայվում են Հովհաննես փակակալը և հայր Բարսեղը, սրանց սպասավոր Մովսեսը. «Սրբոյ Սարգսի զաւրավարիս՝ Յովաննէս փակակալ սուրբ տաճարիս, Բարսեղ բնական հայր, և Մովսէս եղբայր հեղահոգի և սպասաւոր սոցին»¹²:

Ուշիի ս. Սարգիս վանքի մասին հիշատակված է նաև Զաքարիա Ագուլեցու «Օրագրութեան» էջերում: 1672 թ. հուլիսի 14-ին էջմիածնում Հակոբ կաթողիկոսի հրավերած վեհաժողովի մասնակիցներից է եղել Զաքարիան, որն այցելել է մի շարք վանքեր (Օշական, Հովհաննավանք, Սողմոսավանք), ի թիվս որոնց նաև ս. Սարգիս վանքը¹³: Ագուլեցու վկայութեամբ վանքի տեղապահն է եղել Պողոս Երևանցին, որը փոխարինում էր Ոսկան Երևանցուն¹⁴: Վերջինս տպագրական լայն գործունեություն էր ծավալել Ամատեղում, հայկական տպարանում, որը կոչվում էր «ս. էջմիածնի և ս. Սարգսի անվան», և ստացվող եկամուտը պետք է բաժանվեր էջմիածնի, Երուսաղեմի և Ուշիի վանքերին¹⁵:

Միմեռն կաթողիկոս Երևանցին, «Զամբուի» էջերում թվարկելով էջմիածնի վիճակին ենթակա հարկատու վանքերը, նշում է նաև Ուշիի վանքը և նրա հաստատութեան հաստատությունները (այգի, ջրաղաց, ձիթհանք)¹⁶:

Հայաստանի բազմաթիվ վանական հաստատությունների մասին խոսելիս Աբել արքեպիսկոպոս Մխիթարյանը նշում է նաև Ուշիի ս. Սարգիս վանքը և սրա կառուցողն է համարում Ներսես Գ Շինարար կաթողիկոսին¹⁷: Ներսես Գ Տայեցին (641—661), որ հաջորդել է Եզր Զ-ին, ղեկավարել է Զվարթնոցի շինարարությունը, կատարել նորոգումներ Դվինում (ս. Սարգիս), Վաղարշապատում (ս. Աստվածածին), Վասպուրականում (Զորու

⁹ Պատմագրութիւն Զաքարիայ Սարկավագի, հ. 3, Վաղարշապատ, 1870, էջ 12:

¹⁰ Նույն տեղում, էջ 12:

¹¹ ԺԴ դարի հայերեն ձեռագրերի հիշատակարաններ, կաղմեց Լ. Ս. Խաչիկյանը, Երևան, 1950, էջ 65—66:

¹² Ժն դարի հայերեն ձեռագրերի հիշատակարաններ, մասն Առաջին (1401—1450), կաղմեց Լ. Ս. Խաչիկյանը, Երևան, 1955, էջ 550:

¹³ Զաքարիա Ագուլեցի, Օրագրութիւն, Երևան, 1938, էջ 108:

¹⁴ Նույն տեղում, էջ 108:

¹⁵ Ռ. Ռ. Գառապարյան, Հայ գիրքը 1512—1920, Երևան, 1981, էջ 59:

¹⁶ Սիմեոն Կաթողիկոս է, Զամբու, Վաղարշապատ, 1837, էջ 141—144:

¹⁷ Ուշույ սուրբ Սարգիս յԱրագածոտն, ի Շինող կոչեցեալ ի Ներսէս Կաթողիկոսէ, նորոգեալ յԱւագ Սարգսէ 1262...» [Աբել արքեպիսկոպոս Մխիթարեանց, Պատմական ժամանակագրութիւն (Արարատ, թիւ Ժ, տարի 2, 1873, էջ 366)]:

վանք)։ Շինարար մականունը նա ստացել է շինարարական եռանդուն գործունեության շնորհիվ։ Թե ինչ աղբյուրից է օգտվել Արեւի արքեպիսկոպոսը, մեղ հայտնի չէ։ Պարզ չէ նաև, թե ինչպիսի կառույցներ է հիմնադրել կամ ինչ նորոգումներ է իրագործել ներսես Գ Շինարարը ս. Սարգիս վանքում։ Կարծում ենք, Արեւի Մխիթարյանցը այն շփոթել է Դվինի ս. Սարգիս վանքի հետ¹⁸։

Ուշիի վանքի կառույցների որմերին պահպանված վիճադրերը առաջինն ընդօրինակել է Հովհ. Շահխաթունյանցը։ Նա վերծանել է երեք հիշատակություն։ Դրանցից առաջինը փորագրված է եղել կաթողիկե եկեղեցու հարավային մուտքին (ներկայումս խոնարհված)։ Այն փորագրվել է 1329 թ.։ Շահխաթունյանցը հրապարակել է վիճադրի սկիզբը՝ «ԹՎ ՉՀԸ կամաւն անմահին Աստծոյ ողորմութեամբ պարոն Քրդին, և Խուտ...»¹⁹։ Հաջորդ արձանագրությունն ինը տողից է, որ փորագրված է գավթի հարավային որմին՝ ներսից, թերթնթերթիված է։ Հրատարակողը վերծանել է վիճադրի առաջին չորս տողերը՝ «ԹՎ ՉՀԸ կամաւ անմահին Աստծոյ և ողորմութեամբ պարոն Քուրդին և Խուտ խաթունին, ես Հոռովմ Լերեց որդի Մաւրեմամայ և ամուսին իմ Ուլու Խաթուն միարանեցաք սուրբ զաւրավարին տուաք մեր հազարմանի այգին...»²⁰։ Հետագայում այս արձանագրությունը տեղ է գտել Ղեկունդ Ալիշանի «Այրարատում»²¹։ Մեծանուն հայագետը, օգտվելով Շահխաթունյանցի ընդօրինակություններից, քննական մոտեցում է ցուցաբերել դրանց վերծանության նկատմամբ։ Ալիշանը թեական է համարել վաղուսյան Քուրդ Անբերդցու կնոջ՝ Խուանդ Խաթունի (վիճադրում՝ Խուտ Խաթուն) և նվիրատու Հոռովմ երեցի հայրանվան (վիճադրում՝ Մաւրեմամայ) անձնանունների ընթերցումը։

Վերը նշված արձանագրությունները տեղ են գտել Կ. Կոստանյանի Ֆիմական տարեգրումը։ Հեղինակը Հոռովմ երեցի հայրանունը տարանջատել է երկու առանձին բաղադրիչների (Մաւր եւ Համայ)²², մի բան որ անընդունելի է, քանի որ այլուր չի հանդիպում։ Ահա բնագրի ընթերցումը մեր վերծանությունը. «ԹՎին ՉՀԸ (1329) ԿԱՄԱԻՆ ԱՆՄԱՀԻՆ այ ԵՒ ՈՂՈՐՄՈՒԹԵ ՊԱՐՈՆ ՔՐԴԻՆ ԵՒ ԽՈՒԱՆՏՅԱՆ ԽԱԹՈՒՆԻՆ, ԵՍՂ ՀՈՐՈՎՄ ԵՐԵՑ, ՈՐԴԻ ԱՐԵՆԱՄԱՍՏԱՆ ԵՒ ԱՄՈՒՍԻՆ ԻՄ ՈՒԼՈՒ ԽԱԹՈՒՆ ՄԻԱՅԲԱՆԵՑԱՔ ՍԲՂ ՋԱԻՐԱՅՎԱՐԻՍ, ՏՎԱՔ ՄԵՐ ՀԱՋԱՐՄԱՆԻ ԱՅԳԻՆ, ՈՐ ՆՈՐՔ ԷՐ ԴՐԱՍ ԻՂԱՐԵՈՅ ԱՌՎԻ ՀՈՂԸ, ԵՒ ՎԱՌ ՆԱՓՈՐՏ ՎԱՍՆ ՓՐԿՈՒԹԵ ՀՈՐՈՅ ՄԵՐ ԱՐԵՆԱՄԱՍՏԱՆԻ ՊԱՐՈՆ ՔՐԴԻՆ, ԽՈՒԱՆՏ ԽԱԹՈՒՆԻՆ, ԵՒ ՉՈՔԻՆ, ԵՒ ՍՊԱՍԱՆՈՐՔՍ ԽՈՍՏԱՑԱՆ Ի ՏԱՐԻՆ, ԴՂՊԱՍԱՐԱԳ ԱԻԱԳ ԵՒ ՇԱԲԱԹԻՆ՝ Ա ՔՐԹԻՆ, Ա ԽՈՒԱՆՏ ԽԱԹՈՒՆԻՆ, Ա ՀՈՐՈՄ ԻՐԻՅԻՆ, Ա ՈՒԼՈՒ ԽԱԹՈՒՆԻՆ ԿԱՍԱՐԻՉՔՆ ԱՐԻՀԻՆ ԱՅ ԽԱԹԱՆԻՉՆԻՉԻՐՆ ԳՏԱՆԷ, ՂՈՒՍՍ ՅԻՇԵՑԵՔ»։ Ս. Ա. վազյանը, քննելով վիճական արձանագրությունների հնչյունաբանական առանձնահատկությունները՝ այս բնագրից բերել է մի հատված. «Ա շարաթ աւր Քրթին (Քուրդ) նշելով Թ/Դ հերթագայությունը»²³։ Արձանագրությունը իր բովանդակությամբ նվիրատվական է։ Վկայագրի համաձայն 1329 թ. Հոռովմ (կամ Հոռոմ)²⁴ երեցը կնոջ՝ Ուլու Խաթունի հետ ս. Զորավարին նվիրել է Զաւրեա առվի մերձակա հողը։ Նվիրատուները վանքին շնորհել են նաև եկեղե-

18 «...Ջվկայարանսս ս. Սարգիս ի Դուին, և զքաւարան Վիրապին Արտաշատ քաղաքին» (տե՛ս Պատմութիւն հայոց, Ս ա մ ու է լ ի Ք ա հ ա ն ա յ ի Ա ն ե ց ու յ, Վաղարշապատ, 1893, էջ 83)։

19 Հ ո Վ Վ. Շ ա հ խ ա թ ու ն յ ա ն ց, էջ 119։

20 Նույն տեղում, էջ 119։

21 Ղ. Ա լ ի շ ա ն, Այրարատ բնաշխարհիկ Հայաստանեաց, Վեներիկ, 1890, էջ 181։

22 Կ. Կ ո ս տ ա ն յ ե ա ն ց, Վիճական տարեգիր, Ս. Պետերբուրգ, 1913, էջ 164։

23 Ս. Ա Վ ա գ յ ա ն, Վիճական արձանագրությունների հնչյունաբանություն, Երևան, 1973, էջ 267։

24 Հ Ր. Ա ճ ա ո յ ա ն, Հայոց անձնանունների բառարան, հ. Գ, Երևան, 1946, էջ 95։

ցական հագուստ՝ վառ նափորտ, որի դիմաց միաբանները խոստացել են չորս պատարագ: Եկեղեցական հանդերձանքը բսորոշող վառ-ը սոր բառգիրք հայկազեան լեզուի բառարանում բացատրվում է որպես «զարդ թագաւորական և դշխոյական, դրօշ, քօղ, վերարկու ազնիւ, բճհեզ, դիպակ բարակ և ասեղնագործ կամ մետաքսեայ պատառ շքեղ, որպէս խաչվառ»²⁵: Այս տերմինը քանիցս վկայված է ԺԴ դարերի վիճակաւ արձանագրութիւններում: Սափորտը՝ Ստ. Սալխասյանցի «հոգեւորականի վերաշապիկ», որ կրում են եմփփորի տակ, նաև շուջառ, վերարկու»²⁶:

Քննվող վկայագրում Հովհ. Շահխաթունյանցը ճիշտ չի ընթերցել Հոռոմ երեցի հայրանունը, ուստի նույն սխալը սպրդել է Հր. Աճառյանի «Հայոց անձնանունների բառարանը»²⁸: Վիճագրում փորագրված է «ԱՔԻ ՕԶԱՆԱՅ» ձևը: Շահխաթունյանցը, ինչպես տեսանք, ընթերցել է «Մարեւհամայ»։ Բնագրում ընդգծված երևում է Ա տառի երկրորդ ուղղահայաց մասնիկի վերին մասում Ի-ի կիսաբոլոր գլխիկը, որը սոսնձում է հորիզոնական մասնիկին: Ուստի, կցագիրը պետք է կարդալ ոչ թե ԱՔ (Սալ), այլ Ա (Աբր): Իսկ բառամիջի Ե-ն, որ փորագրված է Ա-ի փոխարեն, բարբառային երևույթ է, որ խորթ չէ տվյալ ժամանակաշրջանի հայերենին²⁹:

Վիճագրում հիշատակված են արագածոտն գավառի տեր, Վաչուտյան իշխանական տան ներկայացուցիչներ *ուրդ Ի Աբրեքեցի (XIII դ. վերջ—1340) ու նրա կինը՝ Խուանդ խաթուն իշխանուհի: Վերջինիս անունը Շահխաթունյանցը կարդացել է «Խաթ խաթուն» ձևով, որն Ալիշանը թեպետ է համարել: Այժմ վիճագրի այդ մասը եղծված է, սակայն վեցերորդ տողում փորագրված է «Խուանդ խաթուն» ձևով³⁰: Հիշատակված է նաև նրանց որդին՝ Թեոդորոսը, Չրքին մականունով (1335—1350): Այս իշխանների քանիցս հիշատակված են Արագածոտնի և Վարաժնունքի հուշարձանների որմերին փորագրված արձանագրութիւններում (Հովհաննավանք, Գարբի, Իջնի և այլն): Քննվող արձանագրութիւնը ավարտվում է անեծքի բանաձևով, որից հետո առանձին տողի վրա փորագրված է երկու բառ. «ԶԻՒՍՍ ՅԻՇԵՅԵՔ»: Մեր համոզմամբ այստեղ վկայված է XIV դ. մինչև այսօր անհայտ հոր-գրող վարպետի անունը:

Հովհ. Շահխաթունյանցի հրատարակած մյուս արձանագրութիւնը փորագրված է գավթի շքամուտքի բարավորին: Այն ունի շինարարական բովանդակություն: Թեև այն հիմնականում ճիշտ է ընդօրինակված, սակայն ունեն մի փոքր ուղղում: Իներենք սեր վերծանութիւնը. «ԱՅ ՈՒՐՄՈՒԹԵԱՄԲՆ ՅՐԻ ՍԱՐԻՄԻ ԶԱԻՐԱԻՐԻՍ ԱԻԳՆՈՒԹԵԱՄԲՆ/ԱՇԽԱՐՀԱՅԱԼՈՒԹԵԱՆ ԱՅԼԱՆԱՅՆ/ՏԵՐՈՒԹԵԱՆ ՏԵՂԻՈՅ ՍԱԻԳ ՍԱՐԳՍԻ ՇԻՆԵՅԱԻ ՀԱՍԱՏԱՅ/ՄԵՍ ՏԱՃԱՐՍ ԱՅ Ի ԿԱՆԳՆՈՒՄՆ/ԽԱՆՏԵԼ ԷԿԵՂԵՅՈՒՍ ԶՈՐ ՄԱՐԺԵԼ Ի ՄԵՆԱՅԻ ՏՐ ՅՈՒ ՀԱՆ ԻՍԷ Ի ՀԱԼԱԼ ԸՆԶԻՅ ԻՒՐՈՅ ՈՐՈՒՄ/ՈՂՈՐՄԵԱՅ Ի ՆՄԱՅ ՔՍ ՏԱՅԷ Ի ԼՈՒՍԵՂԷՆ ՅԱՐԿԱՅՆ ԵՒ ՏՐ ՀԱՄԱՅԱՍԳԱՅ, ՈՐՔ ԱՇԽԱՏԵԼ ԵՆ Ի ՍՄԱ/ԶԱՄԱՅՆ ՄԻԱԲԱՆՔ ՍՐ ՈՒԽՏԻՍ ՅԻՇԵՅԷՔ Ի ՏՐ Ի ԹՎԻՍ ԶԺԳ. (1264):

Շահխաթունյանցը 4—5-րդ տողերում կարդացել է «շինեցաւ հատաց մեծ սաճարս» բառակապակցությունը, անտեսելով հատաց բառի վրա փորագրված «ՍՏ» տառերը, որոնցով ստացվում է «հաստատաց մեծ տաճարս» իմաստը: Վիճագրում վկայված Ավագ Սարգիսը Զաքարի Ամիրսյուսալարի թոռն էր, Շահնշահի որդին: Նրա անվան հիշատակումը վիճագրում, հավանաբար, հաստատում է այն իրողությունը, որ տեղական կողմնակալ

²⁵ Նոր բառգիրք հայկազեան լեզուի, հ. Բ, Երևան, 1981, էջ 784:

²⁶ Դիվան հայ վիճագրութիւն, պր. 1, Երևան, 1966, էջ 35:

²⁷ Ստ. Սալխասյանց, Հայերենի բացատրական բառարան, հ. 3, Երևան, 1946, էջ 95:

²⁸ Հր. Աճառյան, նշվ. աշխ., էջ 95:

²⁹ Այս երևույթի մասին տե՛ս Ս. Ավագյան, նշվ. աշխ., էջ 94:

³⁰ Խուանդ խաթուն իշխանուհու անունը գրված է նաև «Խոյան խաթուն» ձևով (տե՛ս Ղ. Ալիշան, Հայաստանում, Վենետիկ 1901, էջ 527):

իշխանները նվիրատվություններ կամ շինարարություն իրականացնելու համար պետք է ունենային սյուզերեն իշխանի թուղթովությունը⁸¹։ Մյուս հանդամանքն այն է, որ վիճակագրում ասված է՝ Ուշին եղել է Ավագ Սարգսի ժառանգական կալվածքը այնպես, ինչպես Փարպին՝ Աղբուղայինը՝ Իվանի որդունը⁸²։ Արտոնագրում նշված տր Հովհաննեսը և տր Համազասպը Հովհաննավանքի առաջնորդներն են, Համազասպը՝ եպիսկոպոս Համադասպ Մամիկոնյանն է⁸³։

Գավթի արևելյան պատին, ներքուստ, ագուցված են երկու խաչքարեր, որոնցից հարավայինը փոքր չափերի է և դրված է պատվանդանի վրա։ Չափերն են՝ 83×63×23, պատվանդանինը՝ 60×72։ Պատվանդանին փորագրված է հինգ տող արձանագրություն, որ հրապարակվում է առաջին անգամ. «ՇՆՈՐՈՒՆ ՔԻ, ԵՍ ՏԻԿՆԱՅՍՍ ԿԱՆԳՆԵՑԻ ԶԽԱՉՍ ՓՐ/ԿՈՒԹՅԱՆ ՀՈԳՈ ԽԱՉԱՏՐՈՆԻ ՍԹԷԻ ՄԱԻՐՆ ԵՒ ԳՐԻԳՈՐՈՐՈՔ ԿԱՐԴԷՔ ՅԻՇԵՑԵՔԻ ՔՅԱ։ Տառածներին, ինչպես նաև խաչքարի քանդակներից դատելով՝ այն կարելի է թվագրել XIII—XIV դդ.։ Երկրորդ խաչքարը նախորդի կողքին է, այն խիստ հողմահարված է, չափերն են՝ 119×93×30×23։ Հիշատակագրությունը մեկ տողով փորագրված է կոթողի քիվին, իսկ հարավային կողմին ունի տառերից տող արձանագրություն։ Այն անթվակիր է և հրատարակվում է առաջին անգամ. «ԽԱՉՍ [ՏՆՐՈՒՆԱԿԱՆ ԱԻԳՆԱԿԱՆ ՊԱՐՈՆ ՎԱՅԷԻ ԱՄԷՆԱՔՈՒՔԻՎ ՎԱՐԴՊԵՏ ԿԱՋՄՈՂ ՍԲ ՆՇԱՆԻՍ, ՅԱՂԱԹՍ ՅԻՇԵՑԻՔ ԵՐԱՄ ԶԻՇԶ, ՅԻՇԷ»։

Տվյալ ժամանակաշրջանում վաչե անունով իշխան Արագածոտնում վկայված է երկու անգամ։ Մեկը՝ Վաչուտյան Սարգսի որդին, որն իր անբասիր ժառանգության համար Զաքարի կողմից նշանակվել է իշխանաց իշխան, և նրա իշխանությունը տարածվել է Երասխից մինչև Շիրակ՝ ընդգրկելով Արագածոտնը և Նիգե⁸⁴։ Նա քանիցս հիշատակված է XIII դ. 20—30-ական թվականների վիճակալ վավերագրերում/Սաղմոսավանք, Հովհաննավանք, Սանահին և այլն)։ Մյուսը՝ Քուրդ Բ Անբերդցու որդին է, որն ունեցել է կարճատև կյանք։ Մեր համոզմամբ կոթողը վերաբերում է Վաչե Վաչուտյան մեծ իշխանին։ Այս արձանագրության նշանակությունը առանձնապես կարևոր է, քանի որ հաղորդում է միջնադարի ևս մեկ խաչքար կերտող քարոդրած-վարպետի՝ Քուրդի անունը։ Գավթի փլատակների մեջ ընկած են քաղաքի վրինաքարեր, որոնցից մի քանիսն ունեն արձանագրություններ։ Սրանցից երկուսը կամարի քարեր են և ունեն նվիրատվական բովանդակությամբ վավերագրեր։ Ցավոք, թերի են և հրատարակվում են առաջին անգամ։ Ահա դրանցից մեկը. «ԿԱՄԱԻՆ ԱՅ ԵՍ ՀԱՄԱՆ ԵՒ ԵՂԱՅՐԻՍ ԽՈՒՐԹՍ՝ ՈՐԴԻՔ ՍԱՐԳՍԻ ՔԻՆՈՒՍԵՆՑ ՄԻԱԲԱՆԵՅԱՔ ՍԲ ԶԱԻՐԱՎԱՐԻՍԻ ԳՆԵՑԱՔ ԶԳԱՐԵՆ ՀՈՂԵՅՈՐԴՈ ՍԱՀՄԱՆԵՑԱՆ Ի ՍԱՐԻՆ...ՈՒ ՍՊ ԳՆԵՅԱՔ ԱՅԳԻՆ ՏՎԱՔ Ի ՍԲ ԶԱԻՐԱՎԱՐԻՍ ՄԻԱԲԱՆՔՍ ԽՈՍՏԱՑԱՆ Ի ՏԱՐԻՆ։ Ը։ ԱԻՐ ԺԱՄ Ի ՏԱԻՆԻՆ/ՏՆԸՆԴԱՌԱՋԻՆ, ԲԷՀԱՍԱՆԱ, ԲԷՆՈՒՐԹԻՆ, ԲԷՆՈՒՐԻՃԱՆԻՆ, ԲԷՆՈՒՐԹԼՈՒ ԽԱՌՈՒՆԻՆ, ԱԷԻՆԵՆՅՈՒՆ, ՈՎ ԽԱՔԱՆԷ ԵՂԱՏԻ ԱՅԱ։ Հաջորդ արձանագրությունը փորագրված է գավթի արևելյան պատին, ներսի կողմում, կամարածև խորշի հյուսիսային երեսին։ Այն տասներկու տող է։ Ցավոք, խիստ հողմահարված է և մասամբ է վերծանվում. «...ՇՆՈՐՀԻՆ ԱՅ ԵՒ ՈՂՈՐՄՈՒԹԵՆ...Ս. ՇՆՈՀ... ԵՒ Ա...[ԳՈՀԱՐ]ՏԻԿԻՆ ՄԻԱԲԱՆԵՅԱՔ ՍԲ ԶԱԻՐԱՎԱՐԻՍ.../ՆԱՓՈՐՏ ՈՐ Զ.../...ԵՒ ՄԻԱԲԱՆՔՍ ԽՈՍՏԱՅԱՆ Ա ՊԱՍԱՐԱԳ Ի ՏԱԻՆՔ ՎԱՐԴԱՎԱՐԻՆ ՅԱՆՈՒՆ/ԳՈՀԱՐ ՏԻԿԱՆ/ԿԱՍԱՐԻԶՔՆ ԱԻՐՀԻՆ ՅԱՅ»։

⁸¹ Հ ո վ հ. Ե ա հ խ ա թ ու ն յ ա ն ց, էջ 123։

⁸² «Ես Աղբուղայ, որդի Իւանէի, որդւոյն մեծին Եահնջահի, ես Աղբուղայ թողի զՓարպոյ ալգեաց շարխատ...», թվ 969/1264/ (Կ. Կոստանեանց, նշվ. աշխ., էջ 107)։

⁸³ Կ. Ղ ա ֆ ա դ ա ր յ ա ն, Հովհաննավանքը և նրա արձանագրությունները, Երևան, 1943, էջ 83, 90։

⁸⁴ Տե՛ս Պատմագրութիւն Զ ա ք ա ր ի ա Ս ա ր Վ ա վ ա դ ի, հ. 3, էջ 12։

նույն կամարակապ խորշի վերևում փորագրված է երեք տողից բաղկացած արձանագրություն, ըստ որի, վանքին է տրվել մի շինական: Վկայագրի սեփերը չի պահպանվել, որոշ մասերը հղծված են և չեն վերականգնվում. «...ԱՇԽԱՐՀԻ ԵՒ ՏՈՒՆՔ ՇԻՆԱԿԱՆ ՅԱՐ...ՍԱՄԵՆ ԿԻՐԱԿԻ ՊԱՏԱՐԱԳ ԿԱՏԱՐԻԶՔՆ ԱԻՐԶՆԻ, ԹՎԻՆ ԶԵ (1256)»:

Գավթի արևմտյան պատին փորագրված է ինը տողանի արձանագրություն, որը հզերող քարերը չկան և դժվար է վերականգնել. «ԿԱՄԱՆ ԱՅ ԵՍ ՇԱՀԱՐ ԱՂ...ԳԻՍ ԱԻՐԱՆԲԵԿՍ ՄԻԱՐԱՆԵՑԱ ՍԲ ԶԱԻՐԱՎԱՐԻՍ ԵՒ ՏՎԱՔ Ի...ԿԱՆ ԵՒ ՍՈՔԱ ԽՈՍՏԱՑԱՆ...ԺԱՄ ՓՈՔՐ ՏԻԿՆԱԻՆ ՈՐ ԿԻՐԱԿԻ...ՇԱՀՆ ԵՒ ԴԱՆԷԼԻՆ ԵՒ ԱՍԻԼՆ ՄԻԱՐԱՆՔՍ ՍՐԲՈՑԱՐԱՆԻ ՏԱՐԵՆ, Գ, ԴԵԿԱՆ ԽՈՍՏԱՑԱՆ Ս...»: Այս վկայագիրը թերի լինելու պատճառով, դժվար է վերջնական խոսք ասել, սակայն անառարկելի է արձանագրության կարևորությունը, ուր նշված է տվյալ տարածքի վարչական պաշտոնյան/շահարի⁸⁵, որի անվան սկզբնատառերն են պահպանվել:

Գավթի արևմտյան պատի տակ ընկած է փորագրված քար՝ ինը տողանի արձանագրությամբ, որի սկիզբը չի պահպանվել, ...ԵՒ ՄԻԱՐԱՆՔՍ ՇԱՀԱՐԱՆՑԵՆ Ի ՏԱՐԻՆ, Զ, ԺԱՄ ՏԱԻՆ ՍԲ ՅԱԿՈՐԱՅԻ, ԱԻՐ ԻՆԶԻ, ԻՍ ՇԱԻՐՆ/ՍԱՐԳՍԻ, Բ, ԻՍ/ՄԱԻՐՆ ԵՍՄԿԱՆ/ՈՎ ԽԱՓԱՆԷ ԴԱՏԻ ՅԱՅ»: Գավթի արևմտյան մուտքի ձախակողին խոշոր տառերով պահպանվել է արձանագրության հետևյալ հատվածը. «ՏՐ ԱՄ ՅԱԻՏԵՆԻՑ»:

Այսպիսով, Ուշիի ս. Սարգսի վանքում հայտնաբերված վիմագիր արձանագրությունները մեծ արժեք են ներկայացնում միջնադարյան Հայաստանի կրթամշակութային այս օջախի անցյալը ուսումնասիրելու առումով: Վիմական տեքստերի վերծանմամբ բացահայտվել են XIII—XIV դդ. ցարդ անծանոթ պատմական անուններ, որոնք գործել են մասնավորապես Նիգ և Արագածոտն գավառներում:

Կարծում ենք, ս. Սարգիս վանքում անհրաժեշտ է ձեռնարկել հնագիտական պեղումներ, որոնց ընթացքում, անտարակույս, ի հայտ են գալու նորանոր վիմագրեր, որոնք լուսաբանելու են հիշյալ տարածքի պատմության ստվերոտ էջերը:

ЛАПИДАРНЫЕ НАДПИСИ МОНАСТЫРЯ СВ. САРГИСА В УШИ

Р. Р. ГАСПАРЯН

Р е з ю м е

Обнаруженные на территории монастыря св. Саргиса села Уши лапидарные надписи представляют большую ценность в плане изучения исторического прошлого этого культурно-образовательного очага средневековой Армении. В результате дешифровок эпиграфических текстов выявлены новые имена исторических деятелей XIII—XIV вв., в частности, в гаварах Ниг и Арагацотн.

В ряде надписей зафиксированы лингвистические особенности среднеармянского языка.

⁸⁵ Նոր բառգիրք հայկազեան լեզուի, հ. Բ, էջ 458: